



UPRAVA POLICIJE

Broj: 05-04/06-11-744/23/RS

Datum: 21.09.2023. godine

Na osnovu člana 110. i člana 111. Zakona o javnim nabavkama BiH („Službeni glasnik BiH“, broj 39/14 i 59/22), te člana 26. i člana 27. stav (3) Zakona o unutrašnjim poslovima Unsko-sanskog kantona („Službeni glasnik USK-a“, broj 13/16 i 16/17), u postupku javne nabavke roba – policijskih čizama i borbenih patika za potrebe Uprave policije MUP USK-a, načelnik Sektora kriminalističke policije Uprave policije Ministarstva unutrašnjih poslova Unsko-sanskog kantona Bihać d o n o s i:

**O D L U K U**  
**o nastavku postupka javne nabavke**

Član 1.

Nastavlja se otvoreni postupak javne nabavke roba – policijskih čizama i borbenih patika za potrebe ugovornog organa Uprava policije MUP USK-a koji je objavljen na Portalu javnih nabavki BiH pod brojem Obavještenja o nabavci: 20936-1-1-35-3-35/23 od 13.07.2023. godine.

Postupak javne nabavke se nastavlja nakon što je Ured za razmatranje žalbi, Filijala/Podružnica Mostar, donio Zaključak broj: JN2-03-07-1-2380-6/23 od 15.09.2023. godine kojim se odbacuje žalba žalitelja „YUMCO-DRVAR“ d.o.o. Banja Luka izjavljena na Tendersku dokumentaciju broj: 05-04/06-11-744/23/RS od 12.07.2023. godine, kao neuredna.

Član 2.

Ugovorni organ će izvršiti izmjenu Obavještenja o nabavci broj: 20936-1-1-35-3-35/23 od 13.07.2023. godine i izmjenu Tenderske dokumentacije broj: 05-04/06-11-744/23/RS od 12.07.2023. godine, te izmijenjenu Tendersku dokumentaciju zajedno sa Ispravkom za obavještenje o nabavci objaviti na Portalu javnih nabavki BiH.

Član 3.

Donošenjem ove odluke stavlja se van snage Odluka o odgađanju nastavka postupka javne nabavke broj: 05-04/06-11-744/23/RS od 28.08.2023. godine.

Član 4.

Ova odluka stupa na snagu danom donošenja i bit će dostavljena putem službenog e-maila svim ponuđačima koji su preuzeli tendersku dokumentaciju sa Portala javnih nabavki, te objavljena na web stranici Ugovornog organa: [mupusk@mupusk.gov.ba](mailto:mupusk@mupusk.gov.ba).

**O b r a z l o ž e n j e**

Postupak javne nabavke roba – policijskih čizama i borbenih patika za potrebe Uprave policije MUP USK-a pokrenut je odlukom o pokretanju postupka javne nabavke broj: 05-04/06-11-744/23/RS od 13.07.2023. godine. Javna nabavka je provedena primjenom otvorenog postupka za dostavu ponuda. Kriterij za dodjelu ugovora je najniža cijena sa namjerom provođenja e-aukcije.

Nabavka je podijeljena na 2 (dva) LOT-a i to:

LOT 1 - Policijske čizme

LOT 2 - Borbene patike

Ukupna procijenjena vrijednost javne nabavke bez PDV-a za oba LOT-a iznosi 460.000,00 KM (slovima: četiristotinešezdesethiljada i 00/100 KM).

Obavještenje o nabavci broj: 20936-1-1-35-3-35/23 objavljeno je dana 13.07.2023. godine na Portalu javnih nabavki zajedno sa tenderskom dokumentacijom.

Krajnji rok za prijem ponuda je bio dana 28.08.2023. godine do 12:00 sati.

Dana 25.08.2023. godine na službeni e-mail Ugovornog organa: [mat-fin-ikt@mupusk.gov.ba](mailto:mat-fin-ikt@mupusk.gov.ba) (žalba je u tri primjerka zaprimljena na protokol Ugovornog organa dana 28.08.2023. godine) je zaprimljena žalba potencijalnog ponuđača „Yumco-Drvar“ d.o.o. Banja Luka broj: 367/23 od 25.08.2023. godine, izjavljena na tendersku dokumentaciju, te je Ugovorni organ u skladu sa članom 100. stav (5) i članom 110. Zakona o javnim nabavkama BiH („Sl. glasnik BiH“, broj: 39/14 i 59/22), odgodio nastavak postupka javne nabavke i kompletan spis predmeta zajedno sa izjašnjenjem i žalbom prosljedio Uredu za razmatranje žalbi BiH na nadležno postupanje i obustavio postupak javne nabavke do momenta rješavanja po žalbi.

Ured za razmatranje žalbi, Filijala/Podružnica Mostar je donio Zaključak broj: JN2-03-07-1-2380-6/23 od 15.09.2023. godine kojim se odbacuje žalba žalitelja „YUMCO-DRVAR“ d.o.o. Banja Luka izjavljena na Tendersku dokumentaciju, kao neuredna.

Shodno navedenom, a poštujući proceduru propisanu Zakonom o javnim nabavkama BiH, odlučeno je kao u članu 1. ove odluke.

Dostavljeno:

1. Ponuđačima (putem e-mailova)
2. Sektor za mat. - fin. poslove i IKT – za objavu
3. a/a

